

Sak

An'ɔ Sak ɔyɔn-ε, t'ake tɔ pɔmar pakaraŋεnε areka ŋɔn-ε?

Areka ŋɛfɛt ŋaŋε ŋɔyɔnε yecicɛs ya moloku ma Kanu, nŋε alaŋ a Krist ŋambɔtɛr kɛkaraŋ doru dandɛ fɛp mɔ. Wɛnc ka Yesu, Sak, εnacicɛs ŋi nte tɔŋsɔŋε alaŋ aka Krist ŋacɛpɛs bɛkɛc yaŋaŋ, ali tɔyɔnε a ŋanayi dɛpɛcucɛ. AKresi ŋaŋkule «Sak», aHɛbɛre ŋa ŋakule «Yakuba». Tewe tin tayi tɔ.

Sak εnayɔnε wɛbɛki wɛlɛl acɔkɔ-cɔkɔ a kɛlonkane ka alaŋ nde Yerusalem dacɔ. Dɛndo Yerusalem Sak εnayi, nte kɛbɛpsɛnε kɛpɔŋ ka abɛki kɛnacɛpɛr mɔ. K'ɛmar Paul kɔ Barnabas kɛsɔtɔ ka moloku kɔ mɔkɔt mɔtɔt nte ŋanagbɛkɛlɛnε kɔ aSuyif alɔma teta kɛkɛnc ka atɔyɔnε aSuyif mɔ. Antam kɛnɛŋk mes mamɔkɔ nde buk ba Yɛbɛc ya Asom a Yesu disrɛ, sapitɛr 15.

Nnɔ areka ŋaŋε disrɛ, Sak εnacɔŋɛs alaŋ a Yesu nte tɔŋsɔŋε ŋamentɛr kɛlaŋ kɛŋaŋ kɛtɔt dɛmɔyɔ mɔtɔt mɔ. Enatɛksɛ alaŋ tɔkɔ pɔmar ŋatam kɛsumpɛr kɛlaŋ kɛtɔt kɔ dinε dosoku nde Kanu kɛmbɔtɛr mɔ.

Sak εnaloku alaŋ a ŋakɛmbɛrɛnε kɛbɔtɛr ka mes ma doru, k'ɛlɛm tin tin tin tɔkɔ tɔyɔnε kɛbɔtɛr ka Kanu kɔ kɛbɔtɛr ka afum alɔma mɔ.

Itɔ areka ŋa Sak nŋε ŋeyɛŋkɛs alaŋ bɛkɛc haŋ mata mosu mame ayi mɔ.

Sak

Kɛyif

1 Ina Sak, w̄acar ka Kanu k̄o Mariki Yesu Krist, incice nu areka n̄an̄je n̄ona afum a Kanu cusun̄ka w̄aco k̄o mer̄an̄ (12) an̄je n̄asams̄er doru m̄o, in̄yif nu!

K̄alan̄ k̄o k̄ac̄are

2 Aw̄enc'im an̄ja alan̄, k̄o n̄ancep̄arene pucuca p̄ol̄m-ε, n̄ac̄em-c̄emne pi p̄abotu dis̄re,

3 bawo n̄anc̄are k̄o k̄alan̄ k̄anc̄ap̄ k̄ewak̄es f̄ar kirin̄-ε, k̄an̄s̄an̄ k̄akar k̄abol-bolu.

4 Mba p̄amar k̄akar konu k̄abol-bolu kan̄k̄o k̄atese, k̄al̄eps̄er s̄o, n̄te t̄os̄an̄je nu k̄abek k̄abek d̄am ta n̄te o n̄te ton̄but k̄alan̄ konu m̄o.

5 Mba k̄o afum al̄oma n̄ayi nu dac̄o an̄je k̄ac̄are k̄ak̄ot k̄ambut m̄o-ε, p̄amar n̄a n̄atola ki Kanu, en-des̄an̄ n̄a ki. Bawo Kanu k̄amp̄oce afum f̄ap̄ ab̄ak̄ac̄ n̄ot̄ot ta k̄enal'̄am-ε.

6 Mba m̄ene m̄etola Kanu k̄alan̄ dis̄re ta k̄alan̄ kam k̄ambut-ε! Bawo m̄ana n̄we m̄antolan̄e k̄anes̄arne dis̄re m̄o, m̄ayi p̄am̄o yam ya d̄ak̄aba, n̄ye afef n̄en̄yekti n̄ew̄en k̄es̄ak̄ m̄o.

7 Ta fum w̄akak̄o p̄ac̄em-c̄emne k̄as̄ot̄ar paka m̄pe o m̄pe yop̄oce ȳon dac̄o,

8 bawo fum w̄akak̄o ont̄amp̄ar fe t̄aȳo tin, of̄oc̄are d̄ap̄o nd̄e o nd̄e on̄sump̄ar d̄aȳok̄ot ȳon m̄o.

W̄aka daka k̄o w̄at̄aȳo daka

9 P̄amar w̄enc̄ kosu w̄alan̄ w̄at̄aȳo daka p̄apus, bawo Kanu k̄andep̄ene k̄o.

10 P̄amar w̄aka daka p̄apus, bawo Kanu k̄and̄etore d̄ak̄ac̄ame d̄on, endek̄oc̄ep̄ar p̄am̄o p̄el̄n̄k̄ pa d̄akulum.

11 K̄o dec dowur-ε, n̄ne yowon yowos̄as yika, yel̄n̄k̄ ya yi ȳet̄emp̄ene, detes da yi d̄os̄ole. It̄o p̄ayi s̄o w̄aka daka, an̄s̄ole d̄amosump̄ar-sump̄ar m̄an̄.

Pucuca kō mēwakās

¹² Pəbət fum nwe embər mēwakās mō! K'ancərə kō dəkəcəme dətət-ε, əjkəsətō kəway kətət ka kiyi kən doru nkε Mariki enasəŋ temer kəsəŋ afum aŋe ŋambətər kō mō.

¹³ Ta nwe o nwe pəwakās pələc mpe mēfan mən mēndeliŋərne kō mēcpene kō abəkəc a pəloku: «Kanu kəwak kəsəŋ'em kəciya,» bawo afətam kəsəŋe Kanu kəciya, kō nkən Kanu kəfəsəŋe fum o fum kəberε kiciya disre.

¹⁴ Mba nwe o nwe mēfan mən mēlec mēŋliŋərne kō kəwakās kəyō tes tēlec, mēcpene kō abəkəc.

¹⁵ Kō mēfan mēlec mēmbəkəs-ε, mokom kiciya, kiciya kəbəkəs kəkom defi.

¹⁶ Awenc'im aŋa aŋe imbətər mō, ta nəwose a pətiŋkər un,

¹⁷ bawo kəpocε kətət kō kətəŋne nkε o nkε darenc kəŋyεfε. Kanu Kas nkε kəlompəs yomotər-motər ya darenc mō, otore ki, nkən Kanu nkε kəntəsəkpər ali kəmepər ka fər mō.

¹⁸ Bawo tatəkō t'enafan ti k'əŋkome su sō tamerəŋ toloku ta kance, nte təŋsəŋe payəne yēbanəs yəcəkō-cəkō ya yolompəs yən daco mō.

Mene fum wətət pəyō məyō mətət!

¹⁹ Nəcərə tantε belbel awenc'im aŋa: Pəmar nwe o nwe pəcələk kəcəŋkəl, ta pəbelkər kəlōk-loku, pəcwon kətēle kō,

²⁰ bawo mətēle məfəsəŋ kəlomp fər ya Kanu kirin.

²¹ Nəliŋne pəyikyik fəp kō mes mēlec fəp mme nəcyō mō, nəbanε waca mēreŋ toloku nte anatəp nu. Toloku nte tentam kəyac kəyi konu doru mō.

22 Nəcəmə toloku darəŋ, ta nəyəne acəŋkəl gbəcərəm aŋe ŋantiŋkərne mə!

23 Nwε o nwε edecəŋkəl toloku ta əŋkət ti mə, owurεne fum nwε endeməmənne kəro deməm mə.

24 K'elip kəməmənne belbel-ε, pəkə, pəpələrne katəna alulu* ŋən təkə ŋeyina mə.

25 Məna nwε məŋkəkce sariyə sətəŋne sətət nse səsikəli afum mə, məsumpər si belbel, bafə məyəne wəcəŋkəl ka si gbəcərəm nwε empələr mə de, mba wəcəŋkəl nwε encəmə mes məyə mətət ma si darəŋ belbel mə. Pəbət fum nwε encəmə si darəŋ mə.

26 Kə fum encəm-cəmne kəyəne wəka dinε ta əŋkəmbərne kəloku-loku-ε, abəkəc ŋən ŋeyi kənempəs, dinε dən dəsək fε.

27 Dinε dosoku nde dəntəyə ali tēbelək ta pəbir-bir nde fər ya Kanu Papa kosu kirin mə dəyəne nte: Nəgbəkəre awut aŋe akere kə akas aŋa ŋafi mə, kə aran aŋe awos aŋa ŋafi mə dəpucuca paŋan. Nəkəmbərne mes məlec ma doru fəp.

2

Ta nəcəməne fum

1 Awenc'im aŋa, kə nəlaŋ Mariki kosu Yesu Krist nwε debeki dən dəmbək mə-ε, ta nəcəməne afum!

2 Kə fum emberε nde kələ ka dəkətola donu Kanu pəberne kurunde ka kema dətələr pəberne yamos yətət, wələma wətəyə daka sə pəberε pəberne yamos yelεc-ε,

3 nəŋkafəli fər nnə wəberne yamos yətət eyi mə. Nəloku kə: «Məna, mənde nnə dəcəm dətət nde!» Mba nəloku wətəyə daka: «Məna, məcəmə nde», kə

* 1:24 Alulu = «andulu»

pəyɔ̄nɛ fɛ ti-ɛ, nəlɔku kɔ: «Məndɛ nde dətɛgbɛkələ pəkɔ.»

⁴ Kɔ nəyɔ̄ tətɔkɔ-ɛ, bafɔ nəmbocnɛ tətɔkɔ kiti ba? Pəmar fɛ nu kəyɔ̄ ti!

⁵ Nəcəɲkəl awɛnc'im aɲa aɲɛ imbɔtər mɔ: Kanu kəyɛk-yɛk atəyɔ̄ daka doru dandɛ nte ɲantam kəbɛk kəlan mɔ, ɲasɔtɔ kɛ ka dɛbɛ da Kanu nkɛ enasɔɲ temer kəsɔɲ aɲɛ ɲambɔtər kɔ mɔ.

⁶ Mba nənə, nəfər-fərəs atəyɔ̄ daka! Bafɔ aka daka akakɔ ɲantərəs un, bafɔ ɲa ɲaɲkəkərəɛ nu dabɛ kəkɔcəɲər nu ba?

⁷ Bafɔ ɲa ɲaɲlɔməs tewɛ tɔtɔt ta Mariki ba?

⁸ Kɔ pəyɔ̄nɛ a nəcəmə sariyɛ sa abɛ darəɲ pəmɔ təkɔ Yecicəs Yosoku yoloku ti mɔ: «Məbɔtər wɛnc əm pəmɔ təkɔ məmbɔtərne mɔ!» Kɔ nəyɔ̄ ti-ɛ, nəyɔ̄ belbel.

⁹ Mba kɔ nəncəmɛnɛ afum-ɛ, nənciya tɛm tətɔkɔ, sariyɛ səmar kəsumpər un aciya, bawo nəleləs fɛ si.

¹⁰ Kɔ fum ɛncəmə sariyɛ fəp darəɲ mba pəciya toloku tin gbɔɲ ta si-ɛ, sariyɛ səmar kəsumpər'əm bawo məleləs fɛ si fəp.

¹¹ Bawo nwe ɛnaloku: «Ta məsumpər dalakɔ!» mɔ, ɛnaloku sɔ: «Ta mədif fum!» Ti disrɛ, kɔ məsak kəsumpər dalakɔ mba mədif fum-ɛ, pəmar sariyɛ səsumpər'əm, bawo məleləs fɛ si.

¹² Pəmar nəlok-loku kɔ nəyɔ̄ pəmɔ afum aɲɛ aɲkakitine sariyɛ nɛ səsɔɲ afum akakɔ kəsikələ mɔ.

¹³ Afɔdekəyɔ̄nɛ nənɔfər fum nwe ɔntəyɔ̄nɛ akɔ nənɔfər mɔ, bawo nənɔfər dɛtam kiti.

Kəlan kɔ məyɔ̄

¹⁴ Ake dākēcāme dō tatōkō dōyō-ε, awenc'im aṅa, fum kēcloku: «Ilaṅ» mba k'ontō kēcmentər ti dāmōyō mōtōt-ε? Kēlaṅ kaṅkō kēntam kēyac kō ba?

¹⁵ Kō wenc'am wərkun kō pəyōne fε ti, wenc'am wəran pəyi ta ōyō yamos, ta ōyō yeri yōn ya dōsōk-ε,

¹⁶ mba kō nələmbərne ṅa: «Kanu kəsōle nu! Kanu kəsōṅ nu yamos yōtōt! Kanu kəsōṅ nu yeri yelārəm!» ta nəsōṅ ṅa ca yōkō yombut ṅa mō-ε, ake dākēcāme dō tōyō-ε?

¹⁷ Itō kēlaṅ nke kēntōmentərne dāmes mōyō mōtōt mō kēlaṅ kēfi kō kēyōne.

¹⁸ Mba fum wələma pələku: «Məna mōyō kēlaṅ, kō ina iyō mes mōyō mōtōt.» Ina icyif ṅa: «Məmentər'im cəke cō kēlaṅ kēntam kēyi ta mes mōyō mōtōt meyi-ε. Kō pəyōne ina-ε, dāmes mōyō mōtōt mem iṅmentər kēlaṅ.»

¹⁹ Məna mēlaṅ a Kanu kin kō. Mōyō ti belbel. Itō yōṅk yelāṅ sō, mba yeyi kēyikcēne kənesε.

²⁰ Məntamne fε ba? Məfaṅ kēcərəε, a kēlaṅ nke kēntōsol kō mes mōyō mōtōt mō kēyō fε dākēcāme ba?

²¹ Ak'enasōṅε Kanu kələm bembā bosu Abraham wələmpu-ε? Teta mes mən mōyō, bawo enasōṅ wan kən Siyaka nde dətetek teta kələṅneε kō Kanu.

²² Mənəṅk kēlaṅ kən kō mes mən mōyō mōtōt mēnasumpərəne: Dāmes mən mōyō mōtōt, kēlaṅ kəmentərne a kəmbut fε kō.

²³ Tante tō yecicās yenalare, kēcloku: «Abraham enalaṅ Kanu, kō Kanu kələm kō wələmpu teta kēlaṅ kən.» K'awe kō wanapa ka Kanu.

²⁴ Nənəṅk ti oṅ, Kanu kəfənəṅk dolompu da fum

teta kəlan kən gbəcərəm, mba kəməmən sə mes mən məyɔ mətət.

²⁵ Ti tənayi sə teta Rahabu wəran wəyamayama, bafɔ dəmes mən məyɔ mətət Kanu kənaləm kə wəlompu, nte wəran nwe enaban asom aka Yis-rayel mə, k'ɛɲkafələ k'ementər ɲa dɔpɔ dələma mə ba?

²⁶ Itɔ pəyi sə dis nde dəntəsɔl kə ni mə defi, kəlan nke kəntəsɔl kə mes məyɔ mətət mə kəfi.

3

Kəcəmbər temer

¹ Awenc'im aɲa, ta nəwose kəla kəyɔne ka atəkse, bawo sənə aɲe səntəkse mə, andekəboce su kiti nke kəndekəyɛnk kətəs ka afum alpəs akə mə.

² Anciya fəp fosu məyɔ melarəm. Kə fum əntɔ kəcəciya dətəkə oɲloku mə, fum wəlompu əfɔ, nwe entam kəcəmbər dis dən fəp təkə ɛɲfan mə.

³ Aɲgbəməs fələs fɛc dəcusu nte təɲsɔɲe yecəme tɛfan tosu darəɲ mə, antam kəsɔle dis dayi fəp.

⁴ Nəcem-cəmne sə cibil cəpəɲ: Kə afef ɲəpəɲ ɲewɛn ci-ɛ, ɲas ɲɛfɛt ɲɛɲkafəli ɲi, wəgbek pəkekərə ɲi nnɔ o nnɔ ɛɲfan mə.

⁵ Temer sə, paka pɛfɛt pə pəyɔne dəris, mba pəntam kəpus kəyɔne ka paka pəkə pəɲsɔɲe mes məpəɲ kəyɛfe mə. Nəcem-cəmne nɛnc dɛfɛt nde dəntam kəcəf kulum kəpəɲ mə!

⁶ Temer ta fum sə nɛnc dɔ! Paka pɛlɛc pə mpɛ peyi su dəris mə, pi pəɲyik-yikəs dis dosu fəp. Pi pendikəc nɛnc da yahanama kəyi kosu doru fəp.

⁷ Fum entam kəcəmbər sɛm ya doru tɛfan tən: Sɛm ya dop fəp, bɛmp, yelinɛ-linɛ kə sɛm ya

dākəba. Ayi kəcəmbər sēm ya doru fəp tefan̄ ta fum, k'encəmbər yi tefan̄ tən.

⁸ Mba fum əfətam kəcəmbər temer tefan̄ tən: Paka pələc pō kō peyi kəkafəle-kafəle tēm fəp, pələre məkən* tēp m̄mē mēndif mō.

⁹ Pi pō sən̄kor-kore nwe əyənē Mariki kō Papa mō, mba sō pi pō səntolanē pələc afum aņē Kanu kəlompəs ŋawurenē kō nkən mō.

¹⁰ Moloku ma kətolanē pətət kō ma kətolanē pələc kusu kin kaņkē kō moņwur. Awenc im aņa, pəmar fē teyi tatəkō de!

¹¹ Kələmp kin kəfəsəņ domun dobotu kō dodokət.

¹² Awenc im aņa, akomp ŋeyi n̄je ŋoņkom məntambenc mō ba? Kō pəyənē fē ti, alembəra ŋoņkom comp ba? Kələmp ka domun dodokət kəfətam kəsəņ domun dobotu.

Kəcərə n̄kē kəyefe darenc mō

¹³ Fum eyi nu dacō nwe encem-cemne kəsək domp, pəyō sō kəcərə kəkət mō ba? Pəmar wəkakō pəmentər ti dəmes mən mətət mosumpər, pəbətē mi amera kō kəcərə kəkət.

¹⁴ Mba kō nəntəmpər bəkəc yelare kəraca kədokət kō amera ŋa kələknē-ē, nəsak kəpuse kəcərə konu mes, nəcyemsēnē kance.

¹⁵ Kəcərə kəkət kaņkō bafō darenc kəyefe, mba nnō dəntəf kaņkō kəyefe dəkəcem-cemne ka fum kō ka yəņk.

¹⁶ Bawo nnō o nnō kəraca kō amera ŋa kələknē ŋeņyi mō, pəyamayama kō məyō mələc fəp mēņyi di.

¹⁷ Mba kəcərə kəkət n̄kē kəyefe darenc mō, kənuņkēnē kō kəncemp, kō tēyefe dənda kō kəyō

* **3:8** *Məkən* = məkən

pəforu, dəreɲc, kəcəɲkəl moloku ma afum, kəla nənəfər kə məyɔ mətət, kəfəyer fum, kəfətensər fum kəbət.

¹⁸ Pəmɔ fum nwe əmbəf məɲgben mətət dəntəf k'əsətɔ yetel yətət mə, aten pəforu aɲe ɲambəf pəforu disre mə, ɲandesətɔ yetel ya dolompu.

4

Kəbətər ka ca ya doru

1 ¹ Deke kəwan kəlarəm kə deke kəgbekələne kəlarəm kəɲyefe nu dacɔ-ε, kə pəntəyɔne dəməfan məlec mmε moɲsutene dis donu fəp disre mə?

² Nəfan ta nəsətɔ-ε. Nədif fum, kə nəyɔne afum kəraca, mba nəfətam kəsətɔ nte o nte. Nəberene kəcəp kəlarəm kə kəwan kəlarəm, mba nəyɔ fe, bawo nəntola fe Kanu.

³ Nəntola Kanu ta nəsətɔ-ε, bawo bəkəc yelec yə nəntolanε, nte təɲsəɲe nətam kəsətɔ kələsər-ləsər teta məfan monu mə.

⁴ Asumpər dalakɔ! Nəncəre fe a kəyɔne wanapa ka doru dandε kəyɔne wəterene ka Kanu ba? Məna nwe məɲfan kəyɔne wanapa ka pələc pa doru mə, məsəɲene kəyɔne ka wəterene ka Kanu.

⁵ Yecicəs Yosoku yolok-loku fe samne, kəcloku: «Kanu kəfan haɲ kə amera nɲe enaber su mə ɲembas kɔ.»

⁶ Mba kəmar ka kəbət amera nke əsəɲ su mə kəmbək, itɔ Yecicəs yoloku: «Kanu kəntefərne alekne, mba atəlekne ɲɔ Kanu kəɲsəɲ kəmar ka kəbət kən amera.»

⁷ Itɔ pəmar nəyi Kanu darəɲ, kə nəyənəkər ɲəɲk ɲelec səbomp-ε, ɲɲyeksər nu pəbəle.

⁸ Nəlɔtərne Kanu, ki sɔ kəŋlɔtərne nu. Nəsəkəsne waca nəna aciya! Məsəkəsne abəkəc mənə nwe o nwe məntɔtɔmpər pɛcem-cɛmnɛ pin mə!

⁹ Nəŋaŋne telər kəyi konu pucuca, nəndɛ kəbal ka pi, nəbok! Kəsəl konu kəsəkɔpər kəyɔne nu kəbok ka kəbal, pəbotu ponu pəyɔne nu kəmɔncnɛ.

¹⁰ Nətorɛ banca nnɔ Mariki eyi mə, k'endepene nu.

Ta məyemsɛnɛ wɛnc əm wəlanɲ

¹¹ Awɛnc'im aŋa, ta nəyemsɛnɛnɛ! Nwe ɛŋyemsɛnɛ wɛnc, kɔ pəyɔne fɛ ti-ɛ, pəkiti kɔ mə, sariyɛ s'eyi kəyemsɛnɛ, sariyɛ s'eyi kəkiti. Kɔ məŋkiti sariyɛ, ta məyɔne fum nwe ɛncəmə si darəŋ mə-ɛ, wəboc kiti ka si məyɔne.

¹² Bawo Kanu sona kəsəŋ su sariyɛ, ki kəntam kəboc kiti. Kanu sona kəntam kəyac, kɔ pəyɔne fɛ ti-ɛ, kəmələk. An'ɔ mənə məyɔne oŋ-ɛ, mənə nwe məŋkiti wəndɛ kam mə?

Ta mələknɛ

¹³ Nəcəŋkəl'im, ndɛkəl oŋ nənə aŋɛ nəŋloku: «Məkɔ kɔ pəyɔne fɛ ti alna dare ndɛ dɔ səŋkɔ, səkɔcɛpərənɛ di teren tin, səŋkɔcaməs, səsɔtɔ pəsam pɛlarəm.»

¹⁴ Ta nəncərə təkɔ doru donu deŋyi nu alna mə! Doru donu dowurɛnɛ kibi nkɛ kəntuf tɛm tepic kəsakɛ sɔ mə.

¹⁵ Mba ntɛ tɔ pəmar nəloku: «Kɔ Mariki ɛfaŋ ti-ɛ, səŋyi doru, səyɔ ntɛ kɔ pəyɔne fɛ ti-ɛ təkɔ.»

¹⁶ Mba nəyek-yekəsne kɔ nəlom. Kəlom fəp mes mɛlɛc mə kəyɔnɛ.

¹⁷ Kɔ fum ɛncərə təkɔ aŋyɔ pətɔt ta əŋyɔ pi-ɛ, wəkakɔ əyɔ tes tɛlɛc.

5

Kəbeɣne ka aka daka

¹ Ndekəl oɣ nəcəŋkəl'im, nəna aka daka! Nəbok nə səɣe-səɣe teta pəcuy mɣe pendebəp nu mə!

² Daka donu dente, yet yəsəm yamos yonu.

³ Kema konu kə gbeti bonu yosumpər mərka. Mərka mme məŋkəyənə sede nse səndekəsumpər nu kiti mə, mərka məcsəm dis donu pəmə nenc mə. Mataka melpəs mamə nəwətəs daka.

⁴ Nənəŋk! Kəway nkə nənagbək abəce anu dale mə, kəŋkulə. Kəbokene ka atel anu kəŋkə kəberə Mariki ma asədar a darenc dələŋəs.

⁵ Nənacepərəne doru donu kəsətə daka delarəm disre kə nəncepərər tefəŋ tonu. Bəkəc yonu yenanembərə pəmə nte asəŋəs pəcəl yeri pətəf teta dəsək ndə aŋkəfay pi mə.

⁶ Nənaboc kiti nə səɣe padif fum wəlompu, nwe əntəgbəkəl nu mə.

Kəkar kə kətola

⁷ Nəŋaŋne nəkar awenc'im aŋa alaŋ, haŋ Mariki pəcder. Nənəŋk təkə wəbifti dale eŋkar yetel yətət ya antəf mə: Encərə a mēne wəcafən ka mələfe kə wəka dərəŋ dəlpəs pətuf kərəsna.

⁸ Nəna sə, nəŋaŋne nəkar, nəyēŋk bəkəc, bawo kəder ka Mariki kələtərne.

⁹ Ta nəbokərəne, awenc'im aŋa alaŋ, nte təŋsəŋe ta Mariki eŋkiti nu mə. Wəkiti ələtərne, pəmbələ fe sə pəberə!

¹⁰ Awenc'im aŋa alaŋ, nəcem-cemne sayibe-e aŋe ŋanalok-loke tewe ta Mariki mə. Nətubucne kəkar kəbol-bolu ka aŋe ŋanabər pucuca mə.

11 Nənənɲk təkɔ səntam kəloku a pəmbət aɲe ɲanabər pucuca mə. Nənane pacloku kəkar kəbol-bolu ka Yobu, nəncərə təkɔ Mariki enayənə kɔ telpəs mə. Mariki ɛla nənəfər k'əmbət amera.

12 Pənanɲkanɛ, awenc'im aɲa, ta nədermɛ darenc, ta nədermɛ antɔf, ta nəderəm kəderəm nkɛ o nkɛ. Mba dəmederəm monu pəmar məloku: <Ey> kɔ pəyənə kance kɔ-ɛ, məloku: <Ala> kɔ pəyənə a bafɔ kance kɔ-ɛ, nte tənɲənɛ ta nəntempɛnɛ kiti dəntɔf mə.

13 Fum eyi nu dacɔ nwɛ eyi pəcuca mə ba? Pəmar pətola Kanu. Fum eyi pəbotu nu dacɔ ba? Pəlenɲəs meɲɲ ma kəkorkoru Kanu.

14 Fum wətətamnɛ eyi nu dacɔ ba? Pəmar fum wəkakɔ pəwe abeki a kəlɔɲkanɛ ka alaɲ, ɲatola Kanu tetən, ɲabɔy kɔ moro mepic dəromp tewe ta Mariki.

15 Kɔ fum ontola Kanu kɔ kəlaɲ-ɛ, kətola kən kəndəsənɛ wətətamnɛ kətamnɛ. Mariki enyɛkti kɔ pəcəmbər, k'enayɔ mes mɛɛc-ɛ, Kanu kəndənɲənɛ kɔ mi.

16 Nəcəɲsɛnɛ kiciya konu, nətolanɛnɛ, nte tənɲənɛ nətamnɛ mə. Kətola ka fum wəlompu kəyɔ fənəntər nfe fəntam kəsəkpər mes mə.

17 Eli fum enayi pəmɔ səna. Pəctola pəyənki fəp wəcafən kətəder, kɔ wəcafən ɔntətuf haɲ meren maas kɔ yof camət-tin.

18 Kɔ Eli ontola sɔ Kanu, kɔ wəcafən ontuf sɔ, kɔ antɔf ɲəsən sɔ yokom.

19 Awenc'im aɲa, kɔ wəkin enɲbaymɛ kance-ɛ, wəlɔma ɛntam kəliɲərɛnɛ kɔ pəsɔlnɛnɛ kɔ dɔpɔ da kance.

20 Wəkakɔ pəcərə nte: Nwɛ ɔɲsɔlnɛnɛ wəciya dɔpɔ

da Kanu mə, endeyac kə defi, pəkufun mes mələc
məlarəm.

Kitabu ka Kanu
Portions of the Holy Bible in the Baga Sitemu language
of Guinea
Des portions de la Sainte Bible dans la langue Baga
Sitemu de Guinée

copyright © 2015 Pioneer Bible Translators

Language: Baga Sitemu

Translation by: Traducteurs Pionniers de la Bible

Contributor: Pioneer Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-29

PDF generated using Haiola and XeLaTeX on 29 Apr 2025 from source files dated 29 Apr 2025

e5320012-5c6f-534d-9205-97d787f9a95c